

Aruba di Nos!! Pa Claret Lopez

Aruba Bon Dia!

Mundial 90 su kintura a yega basta halto e weekend cu a pasa.

Dos grandi a ser elimina esta Brazil y Hulanda.

Ambos equipo tin hopi fanatico aki na Aruba.

Brazil dominando y creando oportunidad na granel no a sabi di probecha.

Di otro banda Diego Armando Maradona siendo lesiona ta efectua un hugada magistral pa despues duna Cannigia un señor paso cu culmina den e goal pa Argentina.

Hulanda hungando su mihor wega ta ser debilita cu sacamento di Frank Rijkaard for di wega.

Alemania a bolbe demostra corahe y derota Hulanda 2-1.

Aruba durante weekend cu a pasa a haya e derecho pa representa e area di Caribe den e proximo mundial di Korfball cu lo tuma lugar na Antwerpen Belgica.

Aruba ta gana Bonaire 10-3 Dibaiera anochi pa nan promer victoria.

Diasabra anochi Curacao ta dal Bonaire 9-2 y asina empata na promer lugar cu Aruba.

Diadomingo den Sporthall Aruba ta gana 12-2 for di Curacao y titula asina campeon di e torneo aki.

Pabien Aruba y bon prepara pa e Mundial 91.

A bin dos team di hulanda tambe di Korfball kendenan e siman aki lo bay duna clinics na diferente di nos schoolnan.

Sigur, sigur un iniciativa di aplaudi.

Korfball tambe kier y mester haya tereno pa por progresa.


Na School ta e mihor caminda pa cuminsa cu esaki.

Nos ta spera cu e clinicanan duna na nos schoolnan basico lo haya e follow up debito.

Nos kier mira Korfball tambe preogresa y bira un di e ramonan deportivo di importancia aki na Aruba.

Shonnan te aki Aruba di Nos pa awe y te otro biaha.

Bowling Center na Sasaki ta yegando su punto mas halto



ORANJESTAD(AAN)-- Dentro di poco e Bowling Center cu ta ser construi na altura di Sasaki, lo yega e punto mas halto.

Segun informacionnan cu DIARIO a haya ta cu pa den luna di November ta ser spera cu esaki lo por habri su protanan, y

unda cu e Pueblo di Aruba por goza di un Bowling Area mas moderno den Caribe.

Lo bay tin un total di 12 lane, y tambe un espacio pa estacionamento di auto absta grandi, un shop, snack bar, conference room, cocktail room den e promer parti di e promer

fase lo mester ta cla.

E segundo fase lo bay bini cu un racketball cancha.

Un inversion di algun myon e proyecto aki ta encera manera a ser duna den presipio cu seguramente na unda cu e ta situa lo yuda pa e atraccion turistico.

Sportdag di Softball Team S.V. Caribe

ORANJESTAD(AAN)-- Softball team S.V. Caribe ta organiza dia 1 di Juli un Sportdag riba tereno di Caribe.

Lo bay tin encuentronan di Softball, Bolas Criollas y Domino.

Tambe lo tin un delicioso BBQ na balor di 10 Florin pa platter incluyendo un doorpirze (pasashi pa Punto Fijo).

Lo bay tin tambe dos television pa no perde nada di futbol Mundial Italia 90.

Bini uno bini ut, ban goza Diadomingo dia 1 di Juli for di 9'or di mainta riba veld di caribe.

E weganan cu lo bay tin riba

tereno di Caribe lo ta 9'or di mainta Franken Contractors/Centro di Barrio Noord lo enfrenta Banco di Caribe den un wega di Pee wee, pa mas o menos 10'or Sugar King contra Diario Raketeers, pa 12'or di merdia Extra Sluggers contra Rolando's. 2'or di merdia Kibaima contra La Pandilla y pa 4'or di atardi, Survival contra West Ount Hitters.

Den weganan di Bolas Criollas, pa 10'or di mainta den poule A, Scupi Bolas contra Aruba Beach Club, pa 11'or di mainta Aruba B.C. contra Banco di Caribe, 12'or di merdia Banco di Caribe contra Scupi Bolas

mientras pa 1'or di merdia Campeon di Poule A contra e campeon di poule B.

Den Poule B, lo enfrenta otro pa 10'or di mainta Geerman Contractors contra Volvox, pa 11'or di mainta Casa del Mar contra Geerman Contractors, mientras cu pa 12'or di merdia Volvox contra Casa del Mar.

Lo bay tin musica bailable pa esnan cu kier rek e pia un tiki.

*Mariachi Mil
Amores lo toca
na San Nicolaas*

ORANJESTAD(AAN)-- Playa Liquor/Trading, agente di Budweiser, ta sigui cu nan campaña pa duna empuhe na e vida nocturna di San Nicolas.

Diabierna awor dia 29 di juni Mariachi Mil Amores lo tye pa deleita tur hende cu nan musica Azteca.

Pa 10'or di anochi Mariachi mil Amores lo cuminsa toca den Marchena Bar.

Pa 11'or di anochi nan lo ta den Black and White Bar, y pa 12'or di anochi nan lo ta tocando den Copa Cabana Night Club.

Tur hende ta keda cordialmente invita pa bin pasa un rato agradable cu Mariachi Mil Amores y Budweiser pariba di brug na "The San Nicolas Bars".

TELEFONNAN
DI DIARIO

22207-26747-35026



GCA

Garage Cordia Aruba N.V.

TA PARTICIPA CU NAN LO TA SERA DIA 29 DI JUNI
HENTER DIA EN RELACION CU NAN DI 25 AN-
NIVERSARIO